

BULLA
S. D. N. SIXTI
PAPAE QVINTI

*Super erectione Montis Pacis nuncupati
non vacabilis.*



ROMAE.

Apud Hæredes Antonij Bladij, Impressores Camerales.

M. D. LXXV.

1585

R. 93971



SIXTVS EPISCOPVS

Seruus seruorum Dei, Ad perpetuam rei memoriam:



VLTA & graua quę in rempublicam Christianam ante hac exere-
uerunt incommoda, nos cum primum ad summi Apostolatus apicē
diuina clementia assumpti sumus creditoq; nobis fidei populo inui-
gilare coepimus, vsquequaq; circumsteterūt, & nunc magis magisq;
solicitant, atq; animum nostrū ob imminetia pericula anxium dies
noctesq; vehementer perturbāt: Nec solum prouinciarum & regno-
rum longo à nobis interuallo disiunctorū plagas, partim ab execra-
bili & pestifera hæresi, partim à seditiosis armis inflictas audimus:
sed & in Romana Ecclesiæ temporalisq; eius ditionis sinu inexpletam sceleratorum ho-
minum, ac sicariorum rabiem, immanemq; in bonos & pacis cultores violentiam, caedi-
bus, latrocinijs, stupris, atq; incendijs saeuientem, nostris penē oculis conspiciamus, quaq;
propiora sunt mentem nostrā grauius excruciant: atq; eam à maioribus curis, ad quas
saluti commissi gregis, intendens pietatis zelo assidue fertur, sæpe distrahunt. Cumque
eo confirmata processerit audacia, vt non sine maximo totius status temporalis eccle-
siastici detrimento iam negligi possit, subit item & alia cura, quod ab arario propter
ingētes sumptus penē exhausto, aut ab ordinarijs nostris redditibus ad ditionē nostram
turandam, prouinciaq; scelestis, & impuris hominibus purgandas, aliasq; necessitates
subleuandas: & vt ad futura quoque, ac repentina pericula propulsanda parati simus,
auxilia nobis minime suppeditantur: Ipsique qui subditis nostris quantum possumus in
domino parcere, & à nouis oneribus eis, qui filij nostri spirituales sunt imponēdis, quod
in huiusmodi angustijs, pleriq; alij Romani Pontifices fecerunt, refugimus difficiliore
nobis administrationis & seruitutis rationem efficimus. Talibus igitur curis circumuēti,
diu multumq; nobiscum meditantēs, qua ratione ex huiusmodi difficultatibus sine cui-
usquam incommodo euadere possemus, tandem decreuimus aliquam vectigalium no-
strorum partem in vnum vno tempore congerere, vt præsentēs calamitates, diuina no-
bis gratia assistente, aliquo pacto deuitari possint, ac simul nostrorum subditorum salu-
ti & tranquillitati promptius consulatur. Habita itaq; cum fratribus nostris in consisto-
rio nostro secreto deliberatione matura, ac de illorum consilio & assensu, deq; traditæ
nobis apostolicæ potestatis plenitudine vnum Montem Pacis nuncupandū trecentorum
millium scutorum monetæ, decem iulijs pro scuto computatis, super fructibus, & iuri-
bus Dohanarum Urbis, ad rationem huius summat, ac cuius portiones, & loca non va-
cent, & quarum quaq; non minor centum scutis similibus sit, & alias prout Montis Fi-
dei Alumeriarum, & Religionis, ceteraq; eiusdem Urbis Montium non vacabilium por-
tiones & loca, quam inter stabilia reputantur perpetuo erigimus, & instituimus, illiq;
sic erecto, & instituto pro illius dote, ac eorum qui nostram, & Romani Pontificis fidem
sequuri pecunias in dicto Monte contulerint, annua responsione & honesto fructu cui-
uscunque illi sint qualitatis & conditionis, etiam si laica vtriusque sexus, ac presbyte-
ri, & alij clerici, Ecclesiarum Prælati, etiam S. R. E. Cardinales, ac ceteri cuiuscunque
dignitatis status, & conditionis seculares, & quorumcunque ordinum, etiam in com-
muni mendicantium, ac militiarum, vel hospitalium regulares, & aliz quæcunque per-
sonæ, cuiusuis ætatis, etiam illegitimi, incapaces, & inhabiles, nec non ecclesiæ, capitu-
la, congregationes, conuentus, societates, hospitalia, capellæ, & loca religiosa, & profa-
na, summam quindecim millium & septingentorum quinquaginta scutorum similium,
ex qua-

ex quadragintaquinque millibus scutis, qui ex redditibus, & iuribus dictarum Dohanarum, qui nulli hucusque obligati sunt, qua spe nuper conduxit initio locationis huiusmodi in proximis Calendis Septembris præscripto, dilectus filius Tiberius Ceulus, mercator Romanam Curiam sequens, ita quod iidem omnes, qui pecuniam in dicto Monte collocauerint, pro rata centum scutorum singulis annis summam quinque scutorum, cum quarta parte alterius similis scuti annis singulis, ac vnoquoque bimestri ratam eiusdem portionis partem, absque vlla prorsus diminutione percipiant. Etiam perpetuo applicamus, & appropriamus, eandemque summam quindecim millium & septingentorum quinquaginta scutorum titulo venditionis, & alienationis eidem Monti, illiusque Collegio, vti singulis & vniuersis perpetuo assignamus, ac in illos omne ius, & potestatem, atque auctoritatem qua nos ipsi & Camera Apostolica est, transferimus, ipsosque in nostrum, & Camera prædictæ locum, ius, & actionem, quo ad dictam summam, illiusque extractionem & perceptionem ponimus, & subrogamus, prædictamque summam, ut præfertur, assignatam ab oneribus, tributis, collationibus, ex quacunque vrgenti, & publica, ac etiam fidei causa impositis, ac omnibus & quibuscunque grauaminibus ordinarijs & extraordinarijs, præsentibus, & futuris eximimus & liberamus. Dictamque summam quinque scutorum cum vno quarto per quemcunque liberè & licitè exigi, ac in sortè minime computari posse intendimus: Necnon contrahentium nobiscum & Camera prædicta securitati consulere volentes, quod idem Tiberius, durante tempore conductionis Dohanarum prædictarum, & eius in dicta conductione, qui pro tempore fuerint successores, seiplos illorumque hæredes, & bona prædicta summa quindecim millium & septingentorum quinquaginta scutorum, singulis eiusdem Montis descriptis creditoribus, & eorum nomine, infra designato depositario annuatim integrè, & singulis duobus mēibus pro rata absque vlla prorsus retentione, siue diminutione persoluenda in forma dictæ Camera, ac alijs arctis obligationum vinculis se obligare teneantur, statuimus, illisque id expresse iniungimus. Necnon eam summam, quæ ex dictis quadragintaquinque millibus nulli adhuc obligatis, præter quantitatem quindecim millium septingentorum & quinquaginta huius Monti assignatam, nemini adhuc, ut præfertur, constitutam, neque distractam specialiter præ cæteris, necnon omnia & singula eiusdem Camera mobilia & immobilia, & se mouentia bona, iuraque, res, & actiones præsentia & futura vbique locorum, & gentium existentia, prædicto Monti, illiusque personis pro præmissorum omnium obseruatione in solidum, ac generaliter obligamus, atque hypothecamus. Ac ad conseruandum eosdem indemnes semper teneri, ac eiusdem Camera ministros, atque agentes, ad eximendum in prædictis, personas prædictas ab omni molestia obligatos esse volumus. Et insuper concedimus, ut quicumque prædictorum, siue ex prædictis, siue alijs & quibuscunque fructibus, ac pecunijs confecta loca dicti Montis habuerint, atque acquisuerint, illa tanquam bona patrimonialia & profana obtineant, & in eis, eorumque fructibus & emolumentis ipsorum filij, & hæredes vtriusque sexus quicumque fuerint, etiam illegitimi, & alias quomodo-
cunque inhabiles, tam ex testamento, quam ab intestato succedere, sequi eis simul, vel successiue, ac quotiescunque, siue donationis inter viuos, vel causa mortis, siue legatis, cessionis, venditionis, siue alio quocunque titulo, iure, & modo, ac etiam simplici scriptura, manu sua scripta, vel subscripta, nullisque adhibitis testibus, etiam in fauorem suorum, vel aliorum illegitimorum prohibitorum, & incapacium, etiam si illa in plures illegitimos, incapaces, & prohibitos, ordine successiuo transferint, ac aliàs vti cuique libuerit dispo-
nere. Quin etiam loca prædicta quocunque modo obtinentes, si illa in alios cedere, aut transferre, ac etiam qui loca huiusmodi alijs acquirere voluerint, tales in huiusmodi cessionibus, translationibus, vel acquisitionibus sibi ipsis, vel alijs etiam quoad vixerint om-

A 2 nimo-



nimodam dictorum locorum sic cessorum, vel acquirorum administratione, eorumque fructus & emolumentorum perceptionem, necnon plenam, liberam, & absolutam potestatem illa quocumque voluerint, nulla etiam subsistente causa ad se recipiendi, & reuocandi, seu alij, vel alijs vendendi, alienandi, donandi, relinquendi, obligandi, & pignori, super eis paciscendi, & contrahendi, & prorsus omnem aliam ipsorum dispositionem, ius, & facultatem, nullo obtinentium consensu desuper requisito, aut alia solemnitate seruata, ac etiam cum prohibitione huiusmodi administrationis fructuum perceptionis, cessionis, venditionis, obligationis, fideiussionis, aut alterius cuiuscunque dispositionis per ipsos obtinentes faciendæ, necnon decreto irritanti adiecto, his quæ secus facta fuerint, ab eisdem reseruare, & obtinere liberè & licitè valeant, nulla alia licentia à nobis, vel Romano Pontifice, pro tempore existente impertita, seu confirmatione, aliaue solemnitate desuper requisita: Ita tamen quòd illegitimi in eis locis nullo modo succedant, quæ de fructibus, seu pensionibus, alijsue rebus ecclesiasticis fuerint comparata. Cæterum expresse prohibemus nulla omnino loca prædicta, nulliue eorum fructus & emolumenta, etiam causa rebellionis, prodicionis, assassinijs, sacrilegij, læsæ maiestatis, aut aliorum criminum, quantumcunque grauium, & enormium per loca ipsa obtinentes, non tamen in personam Romani Pontificis, aut S. R. E. Cardinalis commissorum, etiam confessatorum & probatorum publicari, nec aliàs Fisco applicari, aut publicata, vel Fisco applicata, declarari, seu deliberari, nec sub aliquibus, siue generalibus, siue specialibus omnium bonorum, rerum, & iurium confiscationibus, proscriptionibus, aut alijs adiudicationibus propterea factis, & decretis, seu alijs etiam ipso iure, vel ipso facto inductis deuolutionibus, etiam si sententia capitalis & mors secuta esset, comprehendatur: sed semper ab illis excepta sint, & esse censeantur, eisq. non obstantibus delinquentium filij & hæredes in huiusmodi locis & fructibus, vt præfertur, succedere, & illa ad eos deuenire omnino debeant, seu ipsimet delinquentes de iisdem omnino disponere possint, ac si delicta huiusmodi nequaquam commisissent. Necnon statuimus dictum Montem, & illius singulares personas, omnibus & singulis priuilegijs, exemptionibus, gratijs, facultatibus, fauoribus, & indultis, quibus Fidei, Almeriarum, & Religionis Montes in Vrbe pridem instituti, quibuscunque illa sint concepta formulis, aut confirmationibus, & in nouationibus vallata, ac quæ si de verbo ad verbum infererentur, his literis habere volumus pro expressis. Quibus eorundem Montium descripti creditores vtuntur, potiuntur, & gaudent, ac quomodocunque in futurum vtentur, & gaudebunt, etiam si notam magis specialem requirerent, quàm præsentibus sit expressa, vti, potiri, & gaudere posse. Ac Montem prædictum, illiusq. loca & portiones, respectu summæ illi assignatæ nullis omnino reductionibus, diminutionibus, aut alijs contrarijs dispositionibus, etiam prætextu enormissimæ læsionis, vrgentis necessitatis, seu etiam euidentis utilitatis, aut aliquaunque causa, siue in genere, siue in specie faciendis obnoxia esse: sed firma perpetuo & inuiolata persistere, nec quemquam ex ipsius Montis descriptis creditoribus, aut ab eis causam, & ius habentibus integris fructibus, & emolumentis prædictis, quocumque modo turbari, vel impediri, neque eosdem Montis creditores ad probandum, vel docendum in iudicio, vel extra pecunias in ipso Monte erogatas, aut illarum partem in dictæ sedis, vel Camerae prædictæ necessitatem vel utilitatem conuersa fuerint, nullo vnquam tempore teneri. Atque has nostras literas vim validi, & efficacis contractus inter nos, successoresque nostros, & eos qui creditores dicti Montis descripti fuerint, illorumque hæredes, aut successores, iusq. & causam ab illis habuerint, solemniter initi & stipulati obtinere: eundemq. ab omnibus obseruari debere, neque ab illo sub quocumque quæsito colore vel ingenio resiliari posse, aut in ius, vel controuersiam deduci. Necnon


quibus-



quibuscunque opposicionibus non obstantibus, dictum Tiberium, ac quoscunque in dicta conductione Dohanarum successores, ad præstadium summam prædictam, ut præfertur, Monti assignatam statutis temporibus liberè & expedite teneri, & obligatum esse, & ad id iuris, & facti remedijs opportunis cogi & cõpelli posse: facultate tamen redimendi dictum Montem pro eodem pretio vobis, & successoribus vestris reseruata, sicque in omnibus, & singulis prædictis per quoscunque iudices ordinarios delegatos, etiam S. R. E. Cardinales in quavis causa & instantia, sublata eis & eorum cuicunque quavis aliter iudicandi, & interpretandi facultate, iudicari, & definiri debere: Necnon irritum & inane quicquid secus super his a quoquam, quavis auctoritate scienter vel ignoranter contigerit attentari, decernimus. Demum, ut illa quæ in prædicto Monte præcipue gerenda, & exercenda erunt, per probos & peritos viros omni fide, studio, & diligentia exercentur, idemq. Mons felices habeat successus: Dilectum filium Magistrum Benedictum Iustinianum Notarium, ac Thesaurarium nostrum generalem, eiusq. in dicto officio pro tempore existente successorem dicti Montis Protectorem, ac administratorem, cum libera & absoluta potestate ea omnia peragendi, quæ ad dicti Montis utilitatem pertinere cognouerit, ac dilectum filium Iosephum, quondam Benedicti Iustiniani, Depositarium dicti Montis, quoad vixerit: Necnon Ludouicum, natum Vincentij Rentij, nostri & Camera Apostolicæ Ratiocinatoris & Computistæ in Secretarium eiusdem Montis, necnon Fantinum, alterum eiusdem Vincentij filium, in Computorem, quoad quilibet ipsorum etiam vixerint, in recognitionem immensorum laborum, quos Vincentius illorum genitor superioribus temporibus in Camera Apostolica maximo cum eiusdem Camera commodo, ac utilitate sustinuit, & in dies perferre cogitur, ac in illorum veram & actualem remunerationem & compensationem, etiam ex causa, quæ verè onerosa est, cum emolumento trium Iuliorum pro quolibet loco, tam Secretario, quàm Computori æqualiter inter ipsos diuidendos. Verum donec Vincentius pater vixerit, per eundem Vincentium exigen. constituimus, & deputamus. In quibus muneribus & curis illis demandatis ita se gerant, quemadmodum in Monte Prouinciæ consuevit, & in eo obseruatur. Non obstantibus præmissis, necnon fel. rec. Symmachi, Alexandri vi. Pauli 2. Pauli 3. Pauli 4. & Pij v. de rebus Ecclesiæ non alienandis, aut alienatis recuperandis, ac etiam contra illegitimos, aliorumq. Romanorum Pontificum prædecessorũ nostrorum constitutionibus & ordinationibus apostolicis, & in concilijs generalibus editis, prædicta fieri specialiter & expresse prohibentibus, & facta irrita esse decernentibus, dictaq. Camera apostolicæ iuramento, confirmatione apostolica, vel quavis firmitate alia roboratis, statutis, consuetudinibus, stabilimentis, vsibus, & naturis, priuilegijs quocq. indultis, & literis apostolicis, eidem Camera illiusq. Agentibus & personis sub quibuscunque tenoribus & formis, ac cum quibusuis derogatorijs, alijsque efficacioribus & insolitis clausulis irritantibusque, & alijs decretis, etiam motu proprio, & ex certa scientia, deque consilio, assensu, & potestatis plenitudine similibus, ac pro conseruatione status, dignitatis, & extimationis S. R. E. concessis, confirmatis, & iteratis vicibus, & innouatis, extensis, & moderatis. Quibus omnibus etiam si de illis, eorumque tenoribus specialis, specifica, atque integra, & indiuidua mentio habenda esset, illorum tenores, ac si de verbis ad verbum insererentur, præsentibus pro sufficienter expressis, ac de verbo ad verbum insertis habentes, illis alias in suo robore permansuris, hac vice dumtaxat specialiter & expresse derogamus, illaque quatenus præmissis obstant, tollimus, abrogamus, ac etiam abolemus. Ut autem præsentium literarum exempla ad manus eorum, qui eas inspicere, aut illis uti voluerint, de facili peruenire valeant, volumus illarum exemplis manu Secretarij dicti Montis, aut alterius Notarij publici subscriptis,
ac si-

ac sigillo personæ in dignitate ecclesiastica constitutz obfignatis, eadem prorsus fides in iudicijs, vel extra adhibeatur, quæ his nostris literis haberetur, si ostenderentur, vel producerentur. Nulli ergo omnino hominum liceat hanc paginam nostræ creationis, institutionis, applicationis, appropriationis, assignationis, translationis, positionis, subrogationis, exemptionis, liberationis, iniunctionis, obligationis, hypothecæ, concessionis, prohibitionis, statutorum, decreti, constitutionis, depurationis, derogationis, sublationis, abrogationis, abolitionis, & voluntatis infringere, vel ei ausu temerario contraire. Si quis autem hoc attentare præsumperit, indignationem omnipotentis Dei, ac beatorum Petri & Pauli Apostolorum eius se noverit incursurum. Datum Romæ, apud sanctum Marcum, Anno Incarnationis Dominicæ, Millesimo quingentesimo octogesimo quinto. Quarto Calendas Augusti, Pontificatus nostri Anno Primo.

Ego Sixtus Catholicæ Ecclesiæ Episcopus.



Ego Io. Antonius Episcopus Tuscanus Card. Sancti Georgij.

Ego M. S. Card. ab Altaempe.
Ego Inn. Aualus Card. de Arag.

Ego P. Card. Sancta Crucius.
Ego Guglielmus Sirletus Card.

Ego F. Michael Bonellus Card. Alex.
Ego Ludouicus Card. Madrutius.
Ego Nicolaus Card. Senonensis Sanctz Praxedis.
Iul. Ant. Card. Sanctz Seuerinz.
Ego P. Card. Cæsius.
Ego Hier. Card. Rustic.
Ego Io. Hier. Card. Albanus.
Ego Phil. Boncomp. Card. S. Sixti M. P.

P. Card. Deza
Ant. Card. Carafa.
Io. Ant. Card. SS. Quatuor.
Io. Bap. Card. S. Marcelli.
Ego Aug. Card. de Verona.
Ego Vin. Card. Montis Regalis.
Ego M. tt. S. Stephani in Monte Cælio, Presbyt. Card.
Scipio Card. Lancellottus.

Ferd. Card. de Medicis.
Phil. Vast. Card. Cam.
Ego Vincentius Card. Gonzaga.
Ego Franciscus Card. Sfortia, S. Nicolai.

Alexander Card. de Montealto.

Anno a Natiuitate Domini nostri Iesu Christi, Millesimo quingentesimo octogesimo quinto, Indictione decimatertia, die vero tertia mensis Augusti, Pontificatus autem Sanctissimi in Christo patris, & Domini Nostri Domini Sixti diuina providentia Papæ Quinti Anno Primo. Retroscriptæ literæ affixæ, & publicatæ fuerunt in acie Campi Fioræ per nos Calixtum Brunettum, & Dominicum Gugnettum, eiusdem Sanctissimi Domini Nostri Papæ Cursores.

Pompeius Guerra Magister Cursorum.



Ego R. Card. Sancti Petri
Ego Guilielmus Sacerdos Card.

Ego F. Michael Bonifacius Card. Alex
Ego Ludovicus Card. Magister
Ego Nicolaus Card. Sacerdos Sancti Petri
Ego An. Card. Sacerdos Sacerdotum
Ego R. Card. Alex
Ego Hier. Card. Alex
Ego Jo. Hier. Card. Alex
Ego Jo. Hier. Card. Alex

F. Card. Dux
An. Card. Alex
Jo. Hier. Card. Sacerdos
Jo. Hier. Card. Sacerdos
Ego Aug. Card. de Verona
Ego Vin. Card. Mons. Regalis
Ego M. Sacerdos in Monte Calio Sacerdos Card.
Ego Card. Sacerdos

Ego Card. de Medici
Phil. Card. Card.
Ego Vincencius Card. Sacerdos
Ego Franciscus Card. Sacerdos & Nicolaus

Alexander Card. de Montorio

Anno a Nativitate Domini milia sexcenta et octidies
sex quibus, Indictione decima sexta, die vero tertio mensis Augusti, Pontificatus
Sanctissimi in Christo patris et Domini Nostri Leonis Decimi sexti divina providentia Papa
Quinti Anno Regni. Nostri scripta sunt et publicata in sede vacante
Pope per nos Carolum Ruffinum, et Dominum Guillelmum, eiusdem Sacrosancti
Domini Nostri Papa Secretarios.

Porphyrio Quere Magister Curator

